



TAJUK KHUTBAH JUMAAT

Siri: 41 /2024

SOLAT BENTENG IMAN

11 Oktober 2024

Bersamaan

8 Rabiulakhir 1446

DIKELUARKAN OLEH:

**JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

الْحَمْدُ لِلَّهِ رَبِّ الْعَالَمِينَ،
وَأَشْهَدُ أَنْ لَا إِلَهَ إِلَّا اللَّهُ وَبِئْسَ الصَّاحِينَ،
وَأَشْهَدُ أَنَّ سَيِّدَنَا مُحَمَّدًا عَبْدُ اللَّهِ وَرَسُولُهُ، وَحَبِيبُهُ وَصَفِيُّهُ،
وَصَفْوَتُهُ مِنْ خَلْقِهِ أَجْمَعِينَ،
اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ أَجْمَعِينَ،
وَعَلَى مَنْ تَبِعَهُمْ بِإِحْسَانٍ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ اتَّقُوا اللَّهَ وَاعْلَمُوا أَنَّ اللَّهَ مَعَ الْمُحْسِنِينَ .

Sidang Jumaat yang dirahmati Allah,

Khatib menasihati diri sendiri dan saudara-saudara sekalian agar kita terus meningkatkan ketakwaan kepada Allah SWT dengan melaksanakan titah perintahNya dan menjauhi segala laranganNya, diharapkan ia akan menjadi penyelamat kita semua di Hari Kemudian.

Mimbar pada hari ini akan membicarakan khutbah bertajuk

SOLAT BENTENG IMAN

Muslimin sekalian,

Solat 5 waktu yang ditunaikan dengan sempurna rukun dan syaratnya, menjadi benteng kepada pelakunya daripada melakukan perbuatan keji dan mungkar. Ini bermakna, seandainya seseorang yang dilihat menunaikan solat secara zahirnya tetapi dia masih mengekalkan perbuatan mungkar dan

dosa, ia adalah berpunca daripada solatnya yang tidak memenuhi peraturan solat yang dikehendaki dalam Islam.

Sahabat, Abdullah bin Masud RA menyatakan :

مَنْ لَمْ تَنْهَهُ صَلَاتُهُ عَنِ الْفَحْشَاءِ وَالْمُنْكَرِ لَمْ يَزِدْ مِنْ اللَّهِ إِلَّا بُعْدًا

Maksudnya: sesiapa yang solatnya tidak menghalangnya daripada perbuatan keji dan mungkar, dia akan berjauhan daripada keredaan Allah.

[Hadis Riwayat Imam Ahmad]

Muslimin sekalian,

Solat merupakan ibadah yang membezakan antara individu muslim dan kafir. Orang yang mengerjakan solat akan sentiasa berada dalam pemeliharaan Allah SWT dan bantuanNya lantaran keimanannya kepada titah perintah Penciptanya dan pelaksanaannya terhadap kehendak agamanya.

Manakala individu yang meninggalkan solat, hidupnya jauh daripada keberkatan Allah SWT, bakal diselubungi oleh keluh kesah yang membawa kepada kekusutan jiwa dan menjauhi rahmat Allah SWT. Di akhirat nanti, mereka termasuk dalam kalangan orang-orang yang rugi.

Sabda Rasulullah SAW :

مَنْ تَرَكَ الصَّلَاةَ مُتَعَمِّدًا بَرِئَتْ مِنْهُ ذِمَّةُ اللَّهِ وَرَسُولِهِ

Maksudnya: Barangsiapa yang meninggalkan solatnya secara sengaja, terlepaslah dia daripada jaminan Allah dan RasulNya.

[Hadis Riwayat Imam Ahmad]

Saudaraku yang dirahmati Allah,

Mengerjakan solat dengan khusyuk dan sempurna akan menjadikan kita sentiasa berada di atas jalan keredaan Ilahi, memiliki jiwa yang baik, mampu bersabar dengan tenang dalam menghadapi sebarang ujian dunia dan selalu bersyukur atas apa yang dikurniakanNya.

Firman Allah SWT dalam surah al-Baqarah, ayat 45 - 46:

وَأَسْتَعِينُوا بِالصَّبْرِ وَالصَّلَاةِ وَإِنَّهَا لَكَبِيرَةٌ إِلَّا عَلَى الْخَاشِعِينَ ﴿٤٥﴾ الَّذِينَ يَظُنُّونَ
أَنَّهُم مُّلاقُوا رَبِّهِمْ وَأَنَّهُمْ إِلَيْهِ رَاجِعُونَ ﴿٤٦﴾

Maksudnya: Dan mintalah pertolongan (kepada Allah) dengan jalan sabar dan mengerjakan sembahyang; dan sesungguhnya sembahyang itu amatlah berat kecuali kepada orang-orang yang khusyuk; (laitu) mereka yang percaya dengan yakin bahawa mereka akan menemui Tuhan mereka, dan bahawa mereka akan kembali kepadaNya.

Sidang Jumaat sekalian,

Terdapat galakan daripada Baginda Nabi SAW yang menganjurkan umatnya agar mendirikan setiap fardu solat secara berjemaah dengan menjanjikan 27 ganjaran lebih besar berbanding solat bersendirian. Nabi SAW bersabda:

صَلَاةُ الْجَمَاعَةِ أَفْضَلُ مِنْ صَلَاةِ الْفَدِّ بِسَبْعٍ وَعِشْرِينَ دَرَجَةً

Maksudnya: Solat secara berjemaah lebih utama daripada solat bersendirian dengan 27 kali gandaan.

Dalam pada itu, Baginda SAW amat menitik-beratkan secara khusus kepentingan menunaikan solat waktu Isya dan Subuh bagi dikerjakan secara berjamaah melalui sabda Baginda SAW:

مَنْ صَلَّى الْعِشَاءَ فِي جَمَاعَةٍ فَكَأَنَّمَا قَامَ نِصْفَ اللَّيْلِ
وَمَنْ صَلَّى الصُّبْحَ فِي جَمَاعَةٍ فَكَأَنَّمَا صَلَّى اللَّيْلَ كُلَّهُ

Maksudnya: Sesiapa yang menunaikan solat Isya secara berjamaah seolah-olah dia berqiamullail sebahagian malam, dan barangsiapa yang menunaikan solat Subuh secara berjamaah seolah-olah dia bersembahyang keseluruhan malam.

[Hadis Riwayat Muslim]

Sidang Jumaat yang dirahmati Allah,

Mengakhiri khutbah pada hari Jumaat yang mulia ini, khatib ingin mengutarakan beberapa pengajaran yang perlu menjadi renungan bersama:

Pertama: Solat merupakan tiang agama yang mempunyai banyak kelebihan dari sudut kerohanian, kesihatan fizikal dan mental yang amat bermanfaat untuk kesejahteraan hidup setiap manusia.

Kedua: Ibu bapa berkewajiban memastikan anak-anak mendirikan solat dengan sempurna. Didiklah mereka untuk terus mendirikan solat secara istiqamah, walau dalam apa jua keadaan. Bawalah mereka bersama ke masjid dengan bimbingan dan pemantauan.

Ketiga: Pihak pengurusan masjid dan surau disyorkan agar bersikap bijaksana dan kreatif dalam menjadikan masjid satu tarikan kepada ahli qaryah untuk mendirikan solat secara berjamaah.

Keempat: Solat fardu yang dilakukan secara berjemaah mampu mendekatkan hubungan setiap hamba dengan Allah SWT, di samping dapat mengukuhkan hubungan sesama manusia, yang natijahnya membentuk masyarakat yang saling berkasih-sayang, mengenali dan bersatu padu.

أَعُوذُ بِاللَّهِ مِنَ الشَّيْطَانِ الرَّجِيمِ

وَأْمُرْ أَهْلَكَ بِالصَّلَاةِ وَاصْطَبِرْ عَلَيْهَا لَا نَسْأَلُكَ رِزْقًا

نَحْنُ نَرْزُقُكَ وَالْعَاقِبَةُ لِلتَّقْوَى ﴿١٣٢﴾

Maksudnya: Dan perintahkanlah keluargamu serta umatmu mengerjakan sembahyang, dan hendaklah engkau tekun bersabar menunaikannya. Kami tidak meminta rezeki kepadamu, (bahkan) Kamilah yang memberi rezeki kepadamu. Dan (ingatlah) kesudahan yang baik adalah bagi orang-orang yang bertaqwa.

(Surah Taha ayat 132)

بَارَكَ اللهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،
وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،
أَقُولُ قَوْلِي هَذَا وَأَسْتَغْفِرُ اللهَ الْعَظِيمَ لِي وَلَكُمْ،
وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ،
فَأَسْتَغْفِرُوهُ، إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ، وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا
مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.
مَعَاشِرَ الْمُسْلِمِينَ رَحِمَكُمُ اللَّهُ،

Sidang Jumaat yang dikasihi.

Pada tanggal 7 Oktober 2024 yang lalu, maka genaplah setahun siri perang antara Palestin-Israel yang dipanggil sebagai Perang Taufan al-Aqsa. Ia dianggap peperangan terburuk yang pernah dihadapi oleh rakyat Palestin dalam sejarah konflik Palestin-Israel. Lebih 40 ribu orang rakyat Palestin disahkan terkorban dan lebih 10 ribu orang telah disahkan hilang sepanjang perang ini. Justeru itu, marilah kita kekal menyatakan sokongan dan kebersamaan kepada saudara kita di sana. Perbanyakkan doa ke hadrat Illahi, memohon kemerdekaan buat rakyat dan negara Palestin. Hulurkanlah bantuan kepada mereka sebagaimana yang sepatutnya.

Begitu juga, marilah kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا

مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،
إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ
اشْفِ مَرَضَانَا وَارْحَمْ مَوْتَانَا، وَالطُّفَّ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ
السُّلْطَانَ مُحَمَّدٍ الْمُكْتَفَى بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ
زَاهِرَةَ، سُلْطَانَةِ تَرَغْكَانُو.

وَاحْفَظْ أَوْلَادَهُ وَأَهْلَهُ وَرَعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،
بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ
زَيْنِ الْعَابِدِينَ.

اللَّهُمَّ أَعِزِّ الْإِسْلَامَ وَالْمُسْلِمِينَ، وَأَذِلَّ الْمُعْتَدِينَ الظَّالِمِينَ، وَدَمِّرْ أَعْدَاكَ
أَعْدَاءَ الدِّينِ، وَأَنْصُرْنَا عَلَيْهِمْ يَا رَبَّ الْعَالَمِينَ. اللَّهُمَّ أَنْصُرْ إِخْوَانَنَا الْمُسْلِمِينَ
وَالْمُجَاهِدِينَ فِي فَلَسْطِينَ وَفِي كُلِّ مَكَانٍ.

Ya Allah,

Kami memohon hidayah dan petunjuk ke jalan kebenaran. Tetapkanlah iman kami di dalam agama-Mu. Basahilah lidah kami dengan bacaan al-Quran dan zikir kepada-Mu. Jadikanlah akhlak junjungan besar Nabi Muhammad SAW sebagai ikutan kami. Pereratkanlah hubungan sesama kami, saling bekerjasama dan bantu membantu dalam kebajikan dan taqwa.

Ya Allah

Jadikanlah negeri ini negeri yang aman, maju lagi diberkati. Bukakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa jua kemurkaan-Mu.

Ya Allah,

Anugerahilah keberkatan kepada para pembayar zakat dan pewakaf MAIDAM. Semoga Allah SWT mengurniakan ganjaran ke atas apa yang diberikan dan memberi keberkatan ke atas harta yang berbaki.

Ya Allah,

Anugerahkan pertolongan dan bantuanMu untuk saudara kami di Palestin. Berikanlah ketabahan dan kekuatan kepada mereka dalam menghadapi kekejaman rejim zionis. Peliharakanlah bumi Baitul Maqdis dan seluruh saudara kami di sana.

آمين يا الله، يا رب العالمين

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَى وَيَنْهَى عَنِ
الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ
فَاذْكُرُوا اللَّهَ الْعَظِيمَ يَذُكِّرْكُمْ، وَاشْكُرُوا لَهُ عَلَى نِعْمِهِ يَزِدْكُمْ،
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.
قُومُوا إِلَى صَلَاتِكُمْ، يَرْحَمْكُمْ اللَّهُ.